

Японск правительств милитаризацур зөрлгъ кегъятă

ТОКИО, (ТАСС). «Асахи» газетин зәнъгллгъяр, шидр США-с авч иргдсн, «Сайдуиндер» гидг, залгддг сумдиг сөрдж халгън өөрхн цагин эргцд эклхмн. Иргч джилин эклцър болхла, США-с дакад йирн тиим сумн хулддж авгдхмн.

Эн джилин декабрь сард Симицзу гидг балгъсна дăәнă училищд, ракетн отряд бүрдгдхмн, тегăд тер, эврă орн-нутгт гаргъсн, залгддг сумдин дамшлтин үлгүрмүд сөрлгъяр үүлдхмн. Өдгă цагт, национальн харслтин управленъд бăадг номин-шинджлгънă техническ институтд, япона залгддг сумдин дамшлтин үлгүрмүд ода үүдгдчкв.

Правительствин зурагъар болхла, 1960 джилăс авн эклăд, США-р өдр болгън, 200-д күүтă дăәнă специалистрин багмуд йовулгдхмн, тедн залгддг сумдуд бăадг американск базмудт оч сургъуль сүрхмн.